

Liuh Mbouj Daengz

意外



Liz ranz yied daeuj yied gyawj, henz rwz cungi rwenz gij sing Cangh lauxsae: “Ngoenzneix miz yiengh cozyez ndawranz daegbied ndeu, ma daengz ranz doiq vunz ndaw ranz gangj sing ‘gou gyaез mwngz’ ndeu!” Yiengh cozyez neix caen miz eiqsei! Gou doq byaij doq siengj gij yiengh daxmeh dingqnyi sam cih saw neix le gamjdoengh ndaej gangj mbouj ok vah daeuj, couh nyaenx mbouj ndaej riu ok sing daeuj.

Gwn haеuxcaеuz sat, gou ra seizgei, daihdami byaij coh daxmeh. “Meh……” “W?” Daxmeh gyaeuj hix mbouj ngiengx, nyaengq sou duix. “Meh,

gou……” Yienhsaed beij siengjsieng dwgrengz, sam cih saw neix caen siengj gangj ok bak, lij miz di mbouj ndei eiqsei. “Miz maz saeh ha?” Daxmeh yawj gou. Gij vah siengj gangj haenx gaz youq congghoz lo, gou naj miz di ndat. “Gou…… gou gyaез mwngz!” Gou dwgrengz gangj ok sam cih saw neix, lwgda vueng ndaej mbouj rox yawj gizlawz cij ndei. Daxmeh gyaengj youq, gou sim siengj: Hwhw, daxmeh itdingh gamjdoengh luba? Yi, neix dwg gijmaz biujcingz? Ngeizvaeg? Doeksae? Baenzlawz la? “Gangj ba, dwg mbouj dwg youh deng lauxsae miq lo? Bak baenz van, dwg mbouj dwg nyex hux lo?” Gou gip lo, gyaeuj binaunau: “Mbouj dwg mbouj dwg law, meh, gou mbouj nyex hux, ngoenzlwenz lauxsae lij haenh gou ne!” Gij gejnaeuz gou mbouj miz saek di yungh. “Mbouj dwg? Mwngz di bajheiq neix gou lij yawj mbouj ok ha!” Daxmeh yienh’ok cungi yiengh ndawsim mizdaeј ndeu.

Gou gig vei, caen dwg boux ngoemx gwn vuengzlien— miz haemz gangj mbouj ok ha! “Neix…… neix dwg cozyez Cangh lauxsae nda hawj, mbouj saenq mwngz cam Cangh lauxsae!” Gou mbouj guenj baenz lai, sim siengj seizneix hix cijmiz Cangh lauxsae cij bang ndaej gou lo. Mbouj liuh daengz, coenz vah neix couh lumj gwnz feiz rwed

youz nei, gij hozndat daxmeh sikhaek couh lumj feiz dawz nei hwnjfoedfoed lo: “Gijmaz? Dwg Cangh lauxsae heuh mwngz gangj mwngz cij gangj? Nanzdauh mwngz couh mbouj ndaej caensim doiq meh mwngz gangj ‘gou gyaез mwngz’ ha? Mwngz rox gamjaen lwi? Daj iq daengz hung, gou vih mwngz guh geijlai saeh, sai geijlai simgei goengrengz, mwngz caensim doiq gou gangj coenz ‘gou gyaез mwngz’ mbouj ndaej ha?” Vah daxmeh lumj fwnraq nei daemjnaj rwed roengzdaeuj, gou yaek dingj mbouj ndaej lo, “Meh, gou gyaез mwngz! Gou dwg caensim bw!” “Hw!” “Meh, gou dwg caen gyaез mwngz!” “Gou mbouj citgeiz! Gangj ndaej ndei mboujyawz guh ndaej ndei, mwngz dawz ok di hengzdoengh daeuj, gaij gij mbouj ndei mwngz bae, hawj gou noix causim di couh ndaej lo!” Gangj sat, daxmeh baenq ndang byaij bae lo.

Doeklaeng dwg yienghneix caen liuh mbouj daengz ha! Gou gyaengjgywt ndwn dwk, gvaq haujlai nanz, cij hoiz saenz gvaqdaeuj. Ai, meh ha, lwg mwngz bakngawz neix youh aeu saeh ndei banh baenz saeh rwix lo. Hoeng, gou baujcingq, itdingh yungh saedsaeh hengzdoengh daeuj yiengq mwngz cingqmingz: Gou, dwg caensim gyaез mwngz!

(seiq nienzgaep Ciz Swjsui)

Ngoenz Fwn Doek Baehag

下雨天上学

Canghfapswd gwnzmbwn hainduj guhfap lo, muqmbwn goemq roengzdaeuj, ndaemndwtndwt. Mbawfaex gwnz go faex dinghsubsub mbouj nding saek di, duzbid mbouj hemq lo, seizgan hix cuengq menh yamqdin de, ciemhciemh dingz roengzdaeuj. Gou aemq hwnj daehsaw, gipgip muengzmuengz hwnj ci daxboh bae.

Canghfapswd gwnzmbwn yaengx hwnj song gaiq fwngz de, hob youq henz bak boq mbat ndeu, go faex hung yungh rengz bek fwngz, bi fwngz. Canghfapswd hainduj biujyienj lo! Gou yawjraen aen daehsuliу hau ndeu youq gwnzmbwn mbinyangyang, de dwg mbouj dwg gip dwk bae yawj biujyienj lone? Mwhde, bohliz gwnz ci miz “duzmoed” yied daeuj yied lai, gyoengqmoed youq gwnz bohliz raih dwk, bienq ndaej yied daeuj yied hung. Cij yaep ndeu, “duzmoed” couh bienqbaenz “duzrueg” youz byaij. Daxboh hai gaiqgvetfwn gyaeр gyoengqde bae lo.

Canghfapswd laebdaeb vad gaiq faex fapswd de, de roq roengz gwnz daiz bae, “gunlunglung” sing byajraez hung ndeu yiengj hwnj, gou lau dwk gaem maenh giz fwngzgaem henz ndang. Canghfapswd gwnzmbwn yungh maefwn aeu gwnzmbwn caeuq gwnzdieg san youq doxcaez. Gij heiқci raeuz couh lumj aen daeuq daemjbuh nei, youq geh maefwn ndonj bae ndonj dauq. Fwn doek youq gumz raemx gyang loh, hai ok baenz duj baenz duj

va gyaeundeі daeuj. Ci hai gvaq gumz raemx, raemx sinz hwnj gig sang, gyaqci couh lumj maj ok song gaiq fwed hung nei.

Canghfapswd gwnzmbwn naet lo, fwn couh bienq iq lo. Gou roengz ci gang aen liengj va byaij haeuj doih hwnjhag bae, aen liengj vava loegloeg comz baenz duz doengz gyaeundeі ndeu. Mwhde, gwnzmbwn hix dap hwnj aen giuzdoengz ndeu, canghfapswd gwnzmbwn itdingh dwg naengh cimax, hai gvaq giuzdoengz bae camgya ciengz laj biujyienj lo.

(Gvangјdungh Cuhhaij Si Ginh—vanh Gih Hangzgungh Sinhcwngz Siujyoz Lij Veihsiu)



Duz Maxloeg Iq Coengmingz

聪明的小鹿

Miz ngoenz ndeu, daxbuz maxloeg cingq daep nganxcіuq nyinhcaen nyib buh. De nyib ha nyib ha, sawqmwh, mwh daxbuz maxloeg vuenh mae, fagcim “ding” sing ndeu doek roengz dieg bae lo. Fagcim baenzneix saeq baenzneix iq, daxbuz maxloeg baenzlawz ra ndaej raen lo. Mbatneix daxbuz maxloeg mbouj rox baenzlawz guh lo. Couh youq mwhde, maxloeg iq raen daxbuz de gij yiengh najsaep najmij, couh cam naeuz: “Daxbuz, mwngz miz maz yaek yungh gou bang lwi?” Daxbuz lwnh maxloeg iq fagcim doek lo. Maxloeg iq siengjsiengj le, de doiq daxbuz naeuz: “Buz, gou

bang mwngz ra ba!” Maxloeg iq daj ndaw rug dawz daeuj gaiq swzdez ndeu, boemz youq gwnz dieg, yungh swzdez dep naj dieg menhmenh ra.

Seizde, swzdez maxloeg sup daengz fag cim youh saeq youh raez ndeu, ya, fag cim neix mbouj couh dwg fag cim daxbuz doek haenx ha? Maxloeg iq ganjvaiq dawz cim hawj daxbuz. Daxbuz raen le, angq dangqmaz, de doq cieр cim gvaqdaeuj doq haenh maxloeg iq dwg boux lwgnyez coengmingz ndeu. Maxloeg iq dingqnyi le, ndawsim angq raixcaix.

(Gyanghsuh Suhcouh Vaigozyij Zozyau Yij Yozcwnz)